



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XVIII. Die Octobris.

urn:nbn:de:hbz:466:1-9625

Radij.

honoris contextas ex eius elogiis litanias quotidie recitavit; & ex eius reliquiis vidit lucis radios erumpentes. In India è læto mœstouë imaginis Xaverianæ vultu futura læta vel tristitia legebat. Illo Goam appulso visa est non vna Crucifixi Christi effigies oculis apertis Iaponiam intueri. Cum in mari Iaponico periculis iactaretur, cuidam pro Iaponia oranti 21. Iulij visa est è Crucifixo lux fundi, & simul hæ voces auditæ: *Iam Sancti Spiritus lucem mitto.* Deinde ipse quoque Marcellus inclytâ iam morte perfunctus, eidem conspectus est coram Crucifixo de genibus capite inclinato pro Iaponia preces effundere. Captus à barbaris, visus est toto capite collucere; & in carcere inter orandum totus lucidus, ac in alto sublimis conspectus est. Aquis, & igne candentibus instrumentis cruciatus, ad supplicium ductus est cum scripto, quo indicabatur; illum mori, quod legem exteram prædicaturus in Iaponiam venisset. Cum quarto iam die in fouea Iaponico more

penderet, capite deorsum verso, nec moreretur; inde extractus, flectens sub gladio bis exclamavit; *Pater mi, S. Franciscæ Xaveri!* Bis iussit illi carnifex ensẽ innoxium. Tandem tertio ictu, cum IESVM & MARIAM pronuntiaret, capite truncatus est: & mox terra contremuit. Et Marcellus eodem tempore Manilæ Petro Corcueræ Gubernatoris è fratre nepoti morti vicino apparuit: Madridij verò oratoris Cæsarei filius macie torridus repente conualuit, nempe cuius à se in baptismo suscepti memorem se fore Marcellus in Iaponiam inde soluens promiserat: ibidem Comitem Rupis floridæ febris quartana eodem tempore deseruit, fidemque impleuit promissi quo Marcellus promiserat se illi sui memoriam certo indicio testaturum. Angina, febres, calculus, capitis aliique dolores & morbi, eius ope depulsi; oculi, ac membra alia eorumque vsus restitutus; parturientes adiutæ, atque alia id genus, ij narrant qui eius gesta latius prosequuntur.

XVIII. DIE OCTOBRIS.

P. G A S P A R

BAR ZÆVS.

18. Octobris
Belga Gor.
1551 ætat.
Soc 7.

Vesperis.

Charism.

Magni semper habitus à S. Xaverio fuitque velut alter Xaverius in animarum cura, & socijs gubernandis. Alias ad seruos; alias ad populum; alias ad infirmos eodem die conciones habebat. Vesperis nolæ pulsu prouocabat Populum ad orandum pro ijs, qui lethali peccato vgerentur, vel quos Purgatorij flamma exercet. Laborum tantum sustinuit quanti vel denis hominibus sufficissent. Dicitur concepto voto spo-

pondisse, nulli se opem corporis, vel animi negaturum, quam quidem prestare posset: id quod aded præstitit, vt secundum Xaverium nemo istic eâ ætate parem laudem tulerit. In medio est eius vita, in qua eius labores fusè percerentur.

P. E M M A N V E L

DE NOBREGA.

Hic primus de Societate Brasiliam adiit, & ibi cum socijs *Maria Virginis adiuatricis* templum suis ipse manibus extruxit, ipse materiam è

Lustanus
in Brasilia.
18 Octob.
1570 ætat.
53. Soc. 16.

F f 3 monti.

R.V.

montibus conuolvens; ipse laborans, ipse pro animabus vndeque fatagens, & concursans. Illud quoque de illo fertur; quod cum illud B. V. adiutricis templum in edito colle construeretur, & ille locus aquae inopia laboraret; sociorum vni monstrato istic arboris trunco dicenti; *o si Deipara placeret hinc fontem elicere!* dixerit. Nobrega: *Confido; & huius, & maiorum miraculorum potens est haec Domina.* Inde itum ad sacrum in eo Deiparae templo iam ad usum idoneo celebrandum: & ecce tibi sub sacri medio scatebram aquae perpetuae ex illo ipso arboris trunco affluentissime manantem quae aqua postea morbis quoque pellendis salutaris fuit atque mirabilis. Tertio ante obitum suum die cum in sed: fluminis Ianuarij per oppidum valediceret, rogatus quod proficisceretur, cum nulla naus adesset? *In Caelum*, respondit. Et abiit.

Vide Annales meos, marianos.

Sactum.

Aqua B. V.

Mori.

P. MELCHIOR DE MORA.

Nobili domo Carauaca natus, & bellicis honoribus laudatè functus, animum ad studia, & Societatem applicuit, cum pro concione rempropè nuperam, quae Granatae contingerat, audiret, ab illo quo spectaculo ipse interfuerat. Aiebat Ecclesiastes, Ioannis Auila aiebat, se à mensa; cui accumbebat, accersitum ad ægrum quendam Carauacensem aduolasse: at illum iam mortuum reperisse. Cum verò pro mortuo Litaniae omnium Sanctorum recitarentur, mortuum in lectulo reledisse, ac dixisse lamentabili vocis sono, se deceptum in errore vixisse: *Engañado*, aiebat, *he viuido!* & decubuisse. Insuper Dei misericordiam ei, sed iam surdo & mortuo, narrabat Ecclesiastes ille, cumque alter nihil responderet, neque vllum vitæ daret indicium; ad Litanias rediit cum ijs qui aderant. At en iterum mortuus ille ita vt prius se erigens ingemiscens dixit: *Engañado he viuido!* iterumque decubuit surdus ad omnia quae illi de confessione dicebantur. Tertia Litaniarum bis iam interruptarum pars pro illo recitabatur, cum ille tertio confidens, iisdem verbis, restatus est, se deceptum in errore vixisse. Neque plura locutus, omnes reliquit stupore ac sancto timore attonitos. Hæc de Carauacensi mortuo vbi audiuit Carauacensis Melchior, etiam in ætate iam vteunque matura se studiis, postea Societati addixit. Cum in Iaponiam mitteretur, in Lusitaniam vsque pedibus iter confecit. In Iaponia per annos quadraginta mulla tulit fecitque, magno gentis illius fructu: donec in exilium eiectus, in Philippinis magno religiosæ virtutis exemplo

Hispanus in Philippinis. 18. Oct. 1617. ætat. 74. Soc. 47.

Vocatio.

Mori.

Litania.

P. IOANNES RICVS.

Hispanus Vergellæ. 18. Oct. 1607. ætat. 53. Soc. 31.

Purgator.

Concio.

Mori.

Caput.

ORandi, & sui per calores æstatis, ac hyemis frigora quaesitis modis cruciandi amore singularis fuit Ioannes, Maioricæ Rector cum esset, acidiomate Castellano concionaretur præter morem, Alphonsus Rodriguez eius socius à Deo audiuit: *Rector tuus expiabit hanc concionem igne purgatorio.* Quâ re intellectâ Ioannes illo idiomate deinceps loquutus est nunquâ. Peccata, confessione quotidianâ sacro præmissâ, expiabat. Mortuum illum ab Alphonso Rodriguez pro illo orante pulcherrimum visum ferunt radiis yndique (sed capite nobilius) collucentem, & quasi iisdem coronatum: sæpe alias quoque illum vidit, vt fama est Alphonsus, cum illi se pietate priuatâ commendaret.

exemplo vixit, paupertatis accuratus amator; certus ad omnem obedientiæ sanctæ putum; & illud in ore habens identidem; se id vnice agere, vt in omnibus ad mortem se pararet. nempe ne, ita vt Caruacensis ille, in errore illo moreretur quo deceptus mundus, & eius sequaces, serò tandem clamabunt: *Ergo errauimus.*

que accurata pietatis custodia. Vnde cum Nouitium quendam à mensa surgentem aduerteret signum Crucis obiter, ac properè sibi impressisse, illum suauiter, sed non sine acri doloris sensu, commonuit; vt diligenter ad singula ea, quæ Dei sunt maximoperè accuranda totus aduerteret. Plura de illo in vita.

P. GEORGIVS

FORRO.

Hangarus
Ty. nauia
18 Octobris
1641. ætat.
72. Soc. 34.

Fides

Monsa.

Ang. Custos.

Nobilem sanguinem placidis moribus, decoro vultu, & apto nato ad rectionem ingenio testatus est. Mitto hic ea, quæ nominatim de illo narrant anni 1609. annuæ Transyluanæ impressæ, quid pro re catholica inter turbamenta illa præstiterit, pietate, autoritate, facundia memorabili. Extat prolixum eius elogium missum ab Austria Prouincia, quam per annos complures magno spiritu, & suauis autoritate rexit: & de qua (vt ibi scribitur) ille si quis alius, plurimum sanè meritus est; ipso arguendi modo, eorum quos arguebat sibi illigans voluntates. Tenera planè, ac multis (cum se solum esse arbitraretur) colloquiis testata fuit illius erga Angelos Custodes pietas, atque propensio. Aiunt eius, tunc Prouincialis, socij; Angelum Custodem, instar iuuenis candido equo veſti per iter adfuisse non semel; ac iter & pericula indicasse; videri denique deſuisse. Socij periculis, aliquando mirum in modum incolumes, illum inter preces & lachrymas Deo supplicem reperere; suamque in præcipiti prolapsione incolumitatem illi acceptam regulere: vt fustis narrant Annuæ Austriae in Atehiuo. Facillimæ illi ad socios, vel ad concionem dicenti, & Sacrum celebranti fuerit lachryma; at-

P. ISAACIVS

IOGVES.

P Caroli Spinolæ in fidei odium combuſti herois imaginem in sinu circumferabat, & sæpenumero suspirabat desiderio paris mortis. Voti religione spondit; se, quoad posset, latitare velle despectum atque abiectum. Totam aliquando noctem coram SS. Sacramento humi prostratus orando duxit, multa aspera, & ardua pati flagranter petens. Et responsum accepit: *Exaudita est oratio tua: fiet tibi sicut à me petisti: confortare, & esto robustus.* Apud Hurones in Septentrionis Africa laboranti, Hiroquæi barbari Ethnici, vngues, mordicus auulerunt, indices duos dentibus contriuerunt. Taceo pellem à corpore reat torridam, cadentem, aliaque horrenda omniad. Igne, vnguibus, dentibus in illum sæuitum est cum in carcere teneretur: quo ipso tempore facile 70. capita Christo genuit in vinculis; & Renatum Nouitium crudelia passum, tandem coram se cæsum vidit, vt dixi 5. Augusti. Pax cum Hiroquais composita illum inde extorem eò postliminio pellexit; & ille disertè scripsit, se inde minimè rediturum. Interuersa est pax; & P. Isaacò decreta mors. Ferrum illi in caput illisum; præcisa ceruix.

Inter caelestia illa quæ diuina patiens vidit, fuit mirabilis Ciuitas, &

Charitas.

Gallus apud Hiroquos 18. Oct. 1646. ætat. 40. Soc. 22. Humil.

Euchar.

Pati Oratio.

Fides.

in

in illa scriptum : *Laudent nomen eius.* Vbi pro tribunali se verberatum ait; sed recreatum simul à Iudice amplexu & lætitiâ, quam non poterat explicare, sentiens amoris diuini astu accendi se magis ac magis; aded vt velut in extasi exclamaret: *Virga tua, & baculus tuus ipsa me consolata sunt* PP. Iacobum Bertric, Stephanum Binet, Petrum Coronum aliàs intueri sibi visus, petiit ab ijs commendari Cruci,

vt eius ciuem atque discipulum. Aliàs in officinâ Crucibus coopertâ mirè sibi obiectâ librum sibi præberi vidit qui contineret *Illustres pietate viros, & fortia bello pectora*; quæ verba tunc audita, eius animo altius hæere infixâ, ad imitationem Crucis. Inde illi amor Crucis, & Litanix è Crucis titulis concinnatæ, ac ea ipsa quæ patiebatur tormenta pro illorum, à quibus patiebatur, salute oblata.

Liber.

Imitatio.

XIX. DIE OCTOBRIS.

FRANCISCVS

MORENVS COAD.

Hispanus
diei incerto,
1606. ætat.
72. So. 46.
B. P.

CVM ab ordine religioso alienus Cesset, rogauit aliquando Deipatam vt ei cor mutaret: postridie eadem quâ pridie orarat horâ cor ex alio aliud, id est, ad religionem aliquam capeffendam inclinatum, sensit. Semel atque iterum sine veste nostrâ foras in plateas prodire petiit, vt se peruinceret; impetrauit, stipem corrogauit, & stulti nomen atque cachinnos retulit. Post has victorias Deipara cordi eius se sistere atque ita loqui ei est visa: *Ego ero Mater tua, & protegam te.* Atque ab eo temporis articulo se tenerimè propensum erga illam sensit. Tota eius industria in eo versabatur, quomodo se totum Deo vnice deberet dare ac vndequaquã transcribere. Aiebat se esse in paradiso, neque sibi oneri esse tot officia quibus distinebatur. Manè tantum sibi de somno decerpebat, vt sæpè 4. horas orandi studio daret; cuius magno desiderio & veluti fame tenebatur. Exultabat inter labores, & cum Deo sermones inflammatos miscebat, magno de Dei Majestate lumine, magnâ di-

uinarum rerum peritiâ imbutus, & ad ea quæ imperabantur volans incredibili cordis ardore, vt sibi aliquando velut in tertium cælum abreptus videretur, cum in re quadam difficili hilarè paruisset. Cum ei onera oneribus adderentur, & plecteretur quod currere aliquando visus esset (vt ægris quatuordecim quibus seruebat vnicus satisfaceret) gestiebat, & hunc sibi rosarum esse lectulum gloriabatur. Ardebat toto pectore amore Dei, aiebatque Superiori, se vri; adedque vexari se petebat vt illi amor ac patiendi desiderio pabulum præberetur. Eas vlcerum sordes quas maximo-perè horrent stomachi etiam minimè delicati, ex ægris haustas, manu, & ore tractabat, fel palato, dorso aculeos, corpori reliquo cruciatus alios multifariam adhibebat. Inter plantas oculicis molestas, adedque inter spinas cum S. Benedicto se nudum aliquando versabat. Respirare sibi videbatur si insigne quodpiam se affligendi genus à Superiore obrineret. Cum scrupulis, & capitis dolore è laboribus quibusdam concepto afflictus orare non posset; post exercitia sine vilo spiritus solatio absoluta, misericordiam postulabat & peccatorum veniam

Obedient.

Amor Dei

Mortific.

Crucifixus

Oratio.